

ԳԻՏԱԿԱՆ ԻՆՖՈՐՄԱՑԻԱ НАУЧНАЯ ИНФОРМАЦИЯ

ՆՈՐԱՀԱՅՏ ՀՈՒՇԱՐՁԱՆ ԳՈՐԻՍՈՒՄ

Գորիսի շրջանը հարուստ է մարդկության դար-
գացման տարրեր փուլերին պատկանող հուշար-
ձաններով: Սակայն հնադիտական տեսակետից
անբավարար ուսումնասիրված լինելու պատճա-
ռով որոշ օղակներ դեռևս մութ են մնում, հան-
գամանք, որը խոչընդոտում է մշակույթի հա-
ջորդական դարգացման պատկերի վերհանմա-
նը: Այս տեսակետից առանձին հետաքրքրու-
թյուն են ներկայացնում Գորիսի նորահայտ
քարանձավից գտնված նյութերը: Պեղումների
ընթացքում պարզվեց, որ դրանք քարանձավ են
դրվել, երբ ավելի վաղ կացարան հանդիսա-
ցած այդ շինությունը, լքվելով բնակիչների կող-
մից, հետագայում դամբարանի է վերածվել:¹
Իրոք, քարանձավում սփռված այդ նյութերը
հայտնաբերվեցին դեպի մուտքը թեթևակի ցած-
րացող խորդուրորդ հատակին 22—35 սմ հաս-
տությունը ավալի շերտի վրա և այն ծածկող
խճի, հողի լիցքում: Լիցքը հեռացնելուց հետո
ի հայտ եկան հետաքրքիր կառուցողական ման-
րամասներ, որոնք լույս են սփռում մեր նախ-
նինների կենցաղի որոշ կողմերի վրա: 7,9 մ եր-
կարությունը և 5,5 մ լայնությունը, հյուսիս-
արևմուտքից հարավ-արևմուտք ուղղված, պար-
կածե հատակագիծ ունեցող այս քարանձավի

հատակի փափուկ տուֆազանգվածում փորված
էր շորս հոր (նկ. 1)²: Դրանցից երկուսը, որ
դտնվում էին հյուսիս-արևմտյան հատվածում,
միջանցիկ անցքով իրար էին միացված (խո-
րությունները 85 և 110 սմ, տրամագծերը 80—
90 և 45—50 սմ): Այդ հորերից մեկը (II)
հյուսիսային մասում կոշիկի ձևով խորանում
էր հատակի տակ: Երկու այլ հորեր փորված
էին քարայրի հարավային մասում. մեկն ան-
միջապես պատի տակ, մյուսը՝ դեպի կենտրոն
(տրամագծերը՝ 45—66 սմ և 80—85 սմ, խո-
րությունները՝ 100 և 130 սմ): Բոլոր հորերը,
բացառությամբ IV-ի ծածկված էին սալերով,
որոնք լրացուցիչ շրջափակված էին փոքր քա-
րերով: Վերջիններս, խցանելով ազատ մնացած
տարածությունները, մաքուր էին պահել հորե-
րը: Հավանաբար դրանք տնտեսական նշանա-
կություն են ունեցել: Հատակին փորված էին
նաև տարբեր չափերի (խորությունները 10—
28 սմ) և ձևերի (շրջանաձև, ձվաձև, ուղղանկյու-
նաձև) փոսորակներ, որոնցում անձրենների
և ձնհալի ընթացքում հավաքված ջուրը հեռաց-
վել է թասիկներով: Դասավորված լինելով
մուտքի առջևում, այդ փոսորակները հուշում
են, որ դուռ կոչվածը թերևս ամուր չի ծածկել
մուտքի ստորին մասում եղած անցքերը:

Հատուկ պատրաստված օջախ քարանձավում
չհայտնաբերվեց, սակայն հարավային պատի
գրեթե կենտրոնում առկա ոչ խոր խորշի պա-
տերին, հատակին և առաստաղին պարզ երևում
էին մրի հետքեր:


Ներկայացնելով քարայր-կացարանի ներքին
հարդարանքը, նշենք, որ նրա հյուսիսային և
հյուսիս-արևմտյան պատերի տակ, տուֆի
զանգվածը փորելով, բնակիչները պատրաստե-
լ էին «նստարան-մահիճներ», որոնք հատակից

¹ Ամբողջությամբ ծածկված լինելով հողի
հլուր շերտով՝ քարանձավը պատահականորեն
բացվել էր ճանապարհաշինարարության ընթաց-
քում: Նախքան պեղումների սկսվելը հուշար-
ձանը տարբեր մասերում, առանձին անձանց
կողմից որոշ չափով խաթարվել էր: Հատկա-
պես վնասված էր նրա հյուսիս-արևմտյան հատ-
վածը, որտեղից հայտնաբերված նյութերը հա-
վաքել էր տեղի բնակիչ Վարդան Սարգսյանը:
Նրա դրած նամակն էլ պեղումների սկսելու
պատճառ դարձավ: Ավելին, Վ. Վ. Սարգսյանը,
հետագայում մեղ հանձնելով այդ նյութերը,
արժեքավոր տեղեկություններ հաղորդեց դրանց
հայտնաբերման հանգամանքների վերաբերյալ,
որի համար շնորհակալություն ենք հայտնում:
20 Հանդես, № 4

² Չափազորությունների վերաբերյալ շահեկան
խորհուրդների, ինչպես և գծագիրը կատարելու
համար շնորհակալություն ենք հայտնում Կ. Կ.
Ղաֆաղարյանին:

26—53 սմ բարձր, ոչ լայն (65—83 սմ), երկարով (2,3—2,5 մ) տեսք ունեցող պատվանդաններ են: Ավարտելով հուշարձանի նկարագրությունը, նշենք, որ հորերում և ընդհանրապես ավազի տակ ընկած շերտում ոչ մի նյութ չհայտնաբերվեց, որը և թույլ չի տալիս որոշել

վեց նյութերի մի մասը. մինչդեռ մյուսները խճի, քարերի և հողի լիցքի մեջ էին գտնվում: Նույն երևույթն ենք տեսնում և Ազատավանի վաղ հայկական ժամանակաշրջանով թվագրվող դամբարանում, ուր նույնպես գիտկիզում է կատարվել: Հատկապես հելլենիստական ժամա-



ՆԱ. 1 ՔԱՐԱՅՐԻ ՀԱՏՆԱԲԵՐՎԱԾ ԵՎ ԱՏՐԱՎԱԾԸ

Ա. Բ. 4. - դիակիզման հետքեր, ① - հորեր, ② - փոսորակներ.

— ավազի շերտ, ■ Օջախի տեղը:

այն ժամանակը, երբ քարայրը ծառայել է որպես կացարան: Այս երևույթը, սակայն, խոսում է բնակիչների ոչ թե փախուստի, կացարանի հանկարծակի լքման, այլ ողջ ունեցվածքով հանգիստ հեռանալու մասին, որը տարբեր շարժառիթների կարող է ունեցած լինել: Ակնհայտ է մի հանգամանք. մարդիկ քարանձավից հեռացել են կրկին վերադառնալու համար, ծածկելով հորերը սալաքարերով, որպեսզի մաքուր մնան: Սակայն բնակիչները ինչ-ինչ պատճառներով այլևս ետ չեն վերադարձել և լքված կացարանը ժամանակի ընթացքում լցվել է չրերի բերած ավազի հարթ շերտով: Ահա այսպիսին է եղել քարանձավի պատկերը, երբ այն դամբարանի է վերածվել: Իրոք, քարանձավի հյուսիսային մասի երեք հատվածներում (Ա, Բ, Գ), անմիջապես ավազի շերտի վրա, առկա էին դիակիզման հետքեր մոխրախոտն կպլուս հողով: Այս մասում հայտնաբեր-

նակաշրջանում լայն տարածում ստացած և հետագա դարերում հանդիպող թաղման այս ձևը խոր արմատներ ունի⁴:

Նախքան քարանձավից հայտնաբերված նյութերի քննությանն անցնելը նշենք, որ մշակութային շերտի ուղղահայաց կտրվածքում դիտվեց դեպի մուտքը թեք բարձրացող, հողից ու քարերից բաղկացած շերտ, որի վրա, մուտքի մոտ 20 սմ հաստությամբ, իսկ դեպի քարանձավի խորքը հետզհետե հաստացող (55—60 սմ) մանրախոճի շերտ էր ձգվում: Վերջինիս վրա բարձրանում էր կավահողից ու քարերից բաղկացած հզոր լիցքը: Տպավորությունն այն-

3 С. А. Е с а я н, Погребения VI—V вв. до н. э. в горах Шамшадина, СА, 1965, № 3, стр. 229.

4 Ժ. Դ. Խ ա շ ա տ Ր յ ա ն, Դիակիզումը Հայաստանում (մ. թ. ա. II—մ. թ. III դդ.), ՀՍՍՀ ԳԱ «Լրաբեր հաս. գիտ.», 1975, № 2:

պիսին է, որ Հուդարկավորության մասնակիցները դիակներն այրելուց հետո կանգնել են մոտորի մոտ (այստեղ, հյուսիս-արևմտյան պատից, մոտորի հարավային մասին էլ միանում 22 սմ բարձրությամբ, հատակագծում աղեղնաձև տեսք ունեցող պատը, որը դրված լինելով ավաղի շերտի վրա՝ հյուսիս-արևմտյան հատվածում ձածկել էր փոսորակներից մեկի մի հատվածը) և այդտեղից նետել հողը, քարերն ու մնացած նյութերը։ Այնուհետև դեպի մոտքը բարձրացող այդ թմրիկի վրա լցվել է մանրախիճը, որը սահելով բարանձավի խորքը, լցրել է ազատ տարածությունները և ապա հավասար հաստությամբ բարձրացել դեպի մոտքը։ Այս ամբողջ դանդաղ լցնելով կավահողով ու քարերով, մարդիկ 170 սմ լայնությամբ և 2 մ բարձրությամբ մուտքի խցանել են երեք խոշոր բարերով։ Հայտնաբերված նյութերն են՝ դեների, պերճանքի առարկաներ և խցանդեների տարածակ նմուշներ։

Ձևերի մասին. — Պատրաստված են երկաթից և փորրաքանակ են, զգալի չափով վնասված կամ թիթի պահպանված, Համեմատաբար ամբողջական է փորրիկ բոլորատեսակի ծայրը, իսկ դաշույնի և երկու դանակների ծայրերը կտրված են։ Բացառված չէ, որ այդ իրերը դամբարան են դրվել ոչ ամբողջական վիճակում, երևելի, որի արմատները նախորդ դարաշրջաններից են դալիս։

Թվարկված նյութերից դաշույնը երկսայր է. վերին մասում մի կողմից նեղանում է և ձևավորում լեզվակաձև պոչ, որի երկու կողմերից դամբարի միջոցով ամրացվել է փայտե կամ ոսկրե կոթը (նկ. 21)։ Գրեթե նույն ձևն ունեն և դանակները, այն տարբերությամբ, որ սրանց շեղը միջքի մասում հաստանում է, իսկ լեզվակը ստացել են երկու կողմերը (ավելի ցայտուն՝ աշխատող մասը) նեղացնելով (նկ. 22-3)։ Ինչ վերաբերում է տեգին, ապա նրա խողովակաձև կոթառն ունի եռանկյունաձև բացվածք և դամի ամրացման համար նախատեսված անցք։ Կոթառի շարունակությունը հանդիսացող և աստիճանաբար նեղացող մարտական ծայրը կտրվածքում ոսպնյակաձև տեսք ունի (նկ. 24)։

Պերճանքի ԱՌԱՐԿԱՆՆԻՐ. — Ներկայացված են բրոնզից պատրաստված վղնոցով, ապարանջաններով, օդեր-մատանիներով, փորրիկ դարդակոճակներով, ուլունքներով։ Պայմանականորեն այս խմբին ենք դասում կտրվածքում շրջանաձև տեսք ունեցող, կեռացող ծայրով, բրոնզե լարից պատրաստված իրը (նկ. 25)։ Նշված նյութերից վղնոցը նույնպես կտրվածքում շրջանաձև է։

Նաձև տեսք ունի, ծայրում տափակեցված է և ավարտվում է դեպի դուրս կլորացող օղակներով (նկ. 25)։

Տարբեր ձևեր ունեցող ապարանջանները դասակարգվում են երկու խոշոր խմբում։ Առաջին խումբն են կազմում շրջանաձև ապարանջանները, որոնք իրենց հերթին բաժանվում են տարբերակների։ Առաջին տարբերակին պատկանողները երեքն են և առանձնանում են մյուսներից ծանր, դանգվածեղ տեսքով։ Դրանցից մեկը կտրվածքում ունի կիսաշրջանաձև տեսք, եզրերը իրար վրա են բերված (նկ. 26), մինչդեռ մյուս երկուսի մոտ դրանք միայն մոտենում են միմյանց (նկ. 27-8)։ Պայմանականորեն երկրորդ տարբերակում ենք դասում ոչ դանգվածեղ, համեմատաբար բարակ բրոնզե լարից պատրաստվածները, որոնք ունենալով մոտեցող և հեռացող ծայրեր, միմյանցից տարբերվում են կտրվածքի ձևերով։ Իրոք, դրանց մի մասը, ինչպես առաջին տարբերակին պատկանողները, կտրվածքում կիսաշրջանաձև են (նկ. 210, 11, 15, 20), մյուսները՝ ուղղանկյունաձև (նկ. 29, 12, 19), երրորդները՝ ոսպնյակաձև (նկ. 216-17), իսկ մեկը՝ շրջանաձև (նկ. 221)։ Կտրվածքում շրջանաձև տեսք ունի և մեկ այլ ապարանջան, որի մակերեսը ատամնավոր է (նկ. 218)։


Երկրորդ խումբն են կազմում ներձկված մեջք ունեցող ապարանջանները, որոնք նույնպես բաժանվում են մի քանի տարբերակների։ Առաջին տարբերակին ենք դասում մեկ ապարանջան, որը կտրվածքում ունի ավելի շուտ եռանկյունաձև տեսք, դանգվածեղ է և կրկնում է առաջին խմբի նույն տարբերակում դասվածներին (նկ. 224)։ Երկրորդ տարբերակինը երկուսն են։ Սրանք գնդիկավոր ծայրերով, բարակ լարից պատրաստված դարդեր են, որոնցից մեկը կտրվածքում շրջանաձև է (նկ. 222), իսկ մյուսը՝ ոսպնյակաձև (նկ. 223)։ Նույն բարակ բրոնզե լարերից են պատրաստված երրորդ տարբերակին պատկանող ապարանջանները, որոնք կտրվածքում ունենալով նույն ձևերը, ավարտվում են սրվող եզրերով (նկ. 225-27)։ Ապարանջաններից վերջինը, որը դասում ենք չորրորդ տարբերակին, տափակ է և լայն (նկ. 228)։ Սրա մակերեսը գոտեգործված են երեք փորագիր գծեր, իսկ եզրերը զարդարված են փորագիր անկյունաձև գծերով։

ՕՂԵՐ-ՄԱՏԱՆԻՆԵՐ. — Բարակ բրոնզե լարերից կամ տափակ թերթիկից պատրաստված զարդերի ալ տեսակը կտրվածքում ունի քաղանկյունաձև, շրջանաձև, ուղղանկյան կամ ոսպնյակի տեսք։ Սրանց ծայրերը ինչպես միա-

ցած, իրար վրա բերված, այնպես էլ մոտեցող են (նկ. 232-37):

Ուիլմիսթենը. — փոքրաքանակ են և պատրաստված են սարդիոնից, շաղախից, ապակուց: Հետաքրքիր է ականուլները, որը կապույտ ա-

ցից մեկը կապտա-կանաչավուն գույն առնի և ձևով սակր է հիշեցնում, որի «բերանի» եզրերը ատամնավոր են, իսկ կենտրոնում շրջանաձև դրոշմազարդ է արված (նկ. 241): Ուլունքներից մյուսը տակառաձև է, երկնագույն ֆոնի վրա արված են դեղին ապակեթելից



նկ. 2:

պակուց է, զարդարված լորս սպիտակ շրջանաձև պատկերներով (նկ. 240): Կապույտ և երկնագույն ապակուց են պատրաստված զնդիկաձև ու գլանաձև ուլունքները (նկ. 242): Առանձին հետաքրքրություն են ներկայացնում ապակու շաղախից պատրաստվածները: Դրան-

ստացված զարդեր (նկ. 243), ինչ վերաբերում է սարդիոնից պատրաստված ուլունքներին, ապա դրանք զնդաձև են կամ տափալեցված: Ավարտելով պերճանքի առարկաների նկարագրությունը, նշենք և բրոնզյա կիսազնդաձև զարդակոճակները, որոնցից մեկը կենտրոնում

փոքրիկ ելուստ ունի (նկ. 230), իսկ մյուսը անցքով է (նկ. 231):

Նոնիֆոն.—Տարբեր ձևերի ու կիրառության, բայց հիմնականում բավական կոպիտ, հաստա-
խևցի, ծանր տեսք ունեցող անոթներ են, որոնք տնայնագործական արտադրանքի տպավորու-
թյուն են թողնում: Բացառություն են կազմում փոքրիկ անոթներից մի քանիսը, որոնք ավելի նուրբ աշխատանքի արդյունք են: Հայտնաբեր-
ված խեցեղեններից շորսը օյնոխոյատիպ են:

Երևր կավադույն լուսած, անփայլ մակերեսնե-
րով, մեկը՝ սև, թույլ փայլեցրած: Անոթներից մեկը մյուսներից առանձնանում է իրանի ձևով-
ված, ալացիկ տեսքով և փողած լայնացող նեղ վզով, որի եռապսակ շրթից ուսամասին է միա-
նում ծնկաձև տեսք ունեցող կանթը: Վերջինս կտրվածքում շրջանաձև է (նկ. 240): Հաջորդ անոթը, որի կանթը կտրված է, ունի կարճ, լայն վիզ և հարթ, լայն հատակով գնդաձև խրան (նկ. 241): Նույնպիսի լայն հարթ հա-
տակ ու կարճ լայնաբերան վիզ ունի և անոթ-
ներից երրորդը (նկ. 245): Ձևով նախորդին է կրկնում տափակեցրած կանթով, սև գույնի, թույլ փայլեցված մակերեսով վերջին անոթը (նկ. 248):

Հաջորդ խումբն են կազմում տարբեր ձևի, չոթ մեծ միականթ անոթները: Դրանցից մեկի իրանը ուսամասում շեշտված անցումով միա-
նում է կտրուկ դուրս թեքվող շուրթով ավարտ-
վող, դեպի վեր աստիճանաբար նեղացող բարձր վզին, որից ուն է իջնում աղեղնաձև կանթը: Անոթն ունի դարչնագույն, մրոտված, անփայլ մակերես (նկ. 249): Մյուս երկու ա-
նոթներն ունեն կլորացող շուրթով ավարտվող, թեթևակի դուրս թեքված վզեր և աղեղնաձև կանթեր: Լայն հատակներով ավարտվող ուռու-
ցիկ իրանների մակերեսները թույլ փայլեցրած են (նկ. 248-49): Անոթներից չորրորդը (ինչպես և առաջինը) ուսամասում շեշտված անցում ունի դեպի լայն վիզը, որը ցածր լինելով, ավարտ-
վում է նույնպես դեպի դուրս կտրուկ թեքվող շուրթով: Անոթի ծնկաձև կանթը տափակ է, իսկ սև գույնի իրանն ունի անփայլ մակերես (նկ. 250): Մրածածկ է անոթներից հաջորդի իրանը, որի անփայլ մակերեսը աղյուսագույն է: Աղեղնաձև կանթ ունեցող այս անոթը նախորդ-
ներից տարբերվում է ուղիղ բարձրացող վզով, որն ավարտվում է բարակող շուրթով (նկ. 251): Վեցերորդ անոթը գլանաձև է, սև անփայլ, մրածածկ մակերեսով, ունի ցածր, ուղիղ և բա-
րակ շուրթով ավարտվող վիզ: Աղեղնաձև կանթը կտրվածքում շրջանաձև է (նկ. 252): Այս խմբի անոթներից վերջինի իրանը փլուզացող է, հա-

տակը լայն և հարթ, ունի ոչ բարձր, դուրս թեք-
վող շուրթով վերջացող, գրեթե գլանաձև վիզ: Կտրվածքում շրջանաձև, աղեղի տեսք ունեցող կանթը հորիզոնական ղիբքով տեղադրված է անոթի ուսամասում: Ամանն ունի սև, թույլ փայլեցրած մակերես (նկ. 253):

Մեկ օրինակով է ներկայացված թեյամանա-
ձև խոշոր անոթը, որի ծորակը, դուրս թեքված վիզը և աղեղնաձև կանթը թերի են: Անոթի գնդաձև իրանն ունի դարչնա-սևագույն, մրոտ-
ված, անփայլ մակերես (նկ. 257): Հետևյալ անոթն ունի ոչ բարձր, ուղիղ վիզ, ուռուցիկ իրան, լայն հարթ հատակ (նկ. 258): Առանձին հետաքրքրություն է ներկայացնում աղյուսա-
դույն մակերեսով, երկկանթ տափաշիշը, որը թերի է: Պահպանված մասերից երևում է, որ այն ունեցել է մեկ կողմից ուռուցիկ, իսկ մյուս-
ից թեթևակի սեղմված սկավառակաձև իրան (նկ. 259):

Առանձին խումբ են կազմում փոքրածավալ անոթները (5 հատ): Դրանցից երկուսը գրեթե միանման են, դուրս թեքված ուղիղ վզերով, այն տարբերությամբ, որ մեկի կավագույն անփայլ մակերեսով իրանը ձգված տեսք ունի (նկ. 260), մինչդեռ մյուսը կարճ է և ուռուցիկ, իսկ մակե-
րեսը դարչնա-սևագույն, թույլ փայլեցրած (նկ. 261): Անոթներից հաջորդը իրանի և վզի ձևով կրկնելով առաջինին, տարբերվում է նրա-
նից իրանի կենտրոնում արված հորիզոնական, եռանկյունաձև խուլ կանթով. մակերեսը սև է և անփայլ (նկ. 262): Նույնպիսի դուրս թեքվող վիզ ունի և չորրորդ անոթը, որի իրանը, սա-
կայն, ստորին մասում ավելի կարճ է և ուռու-
ցիկ, իսկ հատակը՝ լայն. ունի դարչնագույն, անփայլ, մրոտված մակերես (նկ. 263): Այս խմբի անոթներից վերջինի կանթը և վիզը կտրված են. կլորացող իրանի ուսամասը դարդաված է փորագիր գույզ ակոսագծերի մի-
ջև տեղադրված կետաշարքով, իսկ այդ գծերից ներքև պատկերված են ճառագայթաձև, գագաթ-
ներով ցած ուղղված եռանկյունիներ (նկ. 261): Անոթն ունի շագանակագույն անփայլ մակերես:

Երեք օրինակով են ներկայացված թասերը: Դրանցից երկուսը միանման են, ունեն կիսա-
գնդաձև տեսք և ավարտվում են բարակող շուր-
թով: Անոթներից մեկի մակերեսը գորշ է: Երրորդ-
վուն է (նկ. 262), իսկ մյուսինը՝ դարչնագույն և մրոտված: Թասերից երրորդն ունի բավական հաստ կողեր, որոնք բոլոր անկյուն կազմելով հարթ և լայն հատակի հետ՝ ավարտվում են դեպի ներս թեք կտրված շուրթով: Անոթի մա-
կերեսը սև է և անփայլ (նկ. 263):

Խեցեղենի մեջ մեծ թիվ են կազմում ճրագ-

ները, որոնք շատ ձևեր բաժանվում են երեք տարբերակի: Դրանցից մեկը ձևով կրկնում է կիսագնդաձև թասիկներին այն տարբերությամբ, որ շուրթը մեկ կողմից թեթևակի սեղմված լինելով՝ քթիկ-փորակ է ձևավորում (նկ. 265): Ծրագների մյուս խումբը կազմված է ութ օրինակից: Սրանք հարթահատակ են և ունեն նավակաձև տեսք (նկ. 265): Երրորդ խմբի ճրագների հատակները նույնպես հարթ են և լայն, բայց ի տարբերություն նախորդների սրանց իրանները որոշ չափով շրջանաձև են և առաջամասում կորացող միջնապատ ունեն: Դրանցից մեկի ներքևում փոքրիկ անցք է արված (նկ. 266⁵):

Դամբարանից գտնված վերջին իրեն խեցանոթի բեկորից պատրաստված անվակի մոդելի մաս է (նկ. 238):

Հայտնաբերված նյութերի թվագրությանն անցնելով նշենք, որ դրանց մի զգալի մասը, երկար գոյատևելով, իր զուգահեռներն է գտնում տարբեր ժամանակաշրջանների հուշարձաններում, որը և փաստարկում է այդ մշակույթի տեղական լինելը: Իրոք, շխոսելով անվակի մոդելի, զարդակոճակների, շրջանաձև ապարանջանների⁶, վզնոցի և այլ նյութերի մասին, որոնց կրկնօրինակները բազմաթիվ են դեռևս բրոնզեդարյան հուշարձաններում, նշենք մյուս նյութերի խոր արմատներ ունենալը: Այսպես, ճրագների երրորդ խումբը, կրկնելով ուրարտական հուշարձաններում հայտնաբերվածներին (Թելչեբախի, Արգիշտիխիլի և այլն)⁷, որոշ փոփոխություններ կրելով հարատևում է հելլենիստական ժամանակաշրջանում (Արտաշատում հայտնաբերվածը, որ թվագրվում է մ. թ. ա. II—I դդ., տարբերվում է թերևս երկայնակի ձգվող միջնապատով)⁸ և մի փոքր ձևափոխված հանդիպում նույնիսկ վաղ միջնա-

դարում⁹: Մ. թ. ա. VII—VI դդ. հուշարձաններում ենք տեսնում ճրագների երկրորդ խմբի վաղ նախաձևերը: Մենք նկատի ունենք Կարճաղբյուրի № 23 դամբարանից (1972 թ. զաչտալին համարակալմամբ) գտնվածը, որը, սակայն, ուղիղ կողմեր ունի¹⁰: Ծրագների այս պարզունակ տեսակների կրկնօրինակները մեծ բանակությամբ հայտնի են Գառնիի, Արմավիրի և անտիկ ժամանակաշրջանին պատկանող այլ հուշարձաններից¹¹: Ավելորդ չէ նշել, որ երկրորդ խմբի ճրագները հարատևում են և միջնադարում: Տարբեր ժամանակաշրջանների պատկանող հուշարձաններում են հանդիպում նաև կիսագնդաձև թասերը, որոնց վաղ նմուշները հայտնի են մ. թ. ա. II հազարամյակից: Լայն տարածում ստանալով հետագայում¹², սրանք վաղ հայկական և հելլենիստական ժամանակաշրջանում հաճախ հանգես են գալիս գունազարդված կամ ներկվում են կարմիր գույնով, որը սովորաբար տարվում է շուրթի վրա լայն ժապավենի ձևով¹³:

Դեռևս վաղ հայկական ժամանակաշրջանի հուշարձաններում են իրենց գուգահեռները գտնում և մյուս անոթները: Այսպես, Բերդի մ. թ. ա. V—IV դդ. թվագրվող դամբարաններից մեկում հայտնաբերված անոթներից երկուսը չեն տարբերվում հորիզոնական կանթ (նկ. 256) և բարակող շուրթով ավարտվող (նկ. 251) անոթներից¹⁴: Ավելին, այստեղ գտնվել են ներձկված մեջքով օձադուխ ապարանջան, բրոնզյա վզնոց, որոնք նման են Գորիսում հայտնաբերվածներին:

9 Ա. Ա. Քալանթարյան, Դվինի նյութական մշակույթը IV—VIII դդ., Երևան, 1970, աղ. XXXVIII, նկ. 3, էջ 23:

10 Պեղումները Հ. Հ. Մնացականյանի, նյութը հրատարակված չէ:

11 Դ. Ա. Тирация, Древнеармянская керамика из раскопок Армавира, «Պատմա-բանասիրական հանգես», 1971, № 1, էջ 213:

12 Ի. Ա. Կարապետյան, Կարճաղբյուրի պեղումները (1975—1978 թթ.), «Պատմա-բանասիրական հանգես», 1979, № 3, էջ 273, աղ. 1, նկ. 10:

13 Դ. Ա. Тирация, О расписной керамике древней Армении, «Պատմա-բանասիրական հանգես», 1962, № 2, էջ 267, աղ. II, նկ. 1:

14 Ս. А. Есаян, Могилиник армянского времени в поселке Берд, Шамшиадинского района, «Պատմա-բանասիրական հանգես», 1969, № 4, էջ 285:

5 Դամբարանից գտնվել են խայտաքիսի, ուխարի, նապաստակի, կովի (ատամ) և ջեյրանի առանձին ոսկորներ: Բնորոշումը ՀՄՄՀ ԳԱ Կենդանաբանության ինստիտուտի ավագ գիտաշխատակցուհի Ս. Կ. Մեմլումյանի:

6 Ս. Ա. Եսայան, Հայաստանի Պատմության թանգարանի բրոնզե ապարանջանները, ՀՄՄՀ ԳԱ «Տեղեկագիր» (հաս. գիտ.), 1964, № 2, էջ 83—94:

7 Б. Б. Пиотровский, Кармир-Блур, т. II, Ереван, 1952, стр. 31, рис. 13. А. А. Мартиросян, Аргистихинили, Ереван, 1974, стр. 57, рис. 36 б.

8 Այս մասին մեզ տեղեկացրել է Ժ. Դ. Խաչատրյանը:

Պեղված նյութերի թվագրությունը հետևյալ հարցում առանձին նշանակություն չի կարող ունենալ և խոհանոցային անկանթ անոթը (նկ. 2₁)՝ ձիշտ է, մեծ բանակույթյամբ նման անոթներ և այդպիսիներին պատկանող բազմաթիվ բեկորներ են գտնվել Արմավիրի և ընդհանրապես այլ հելլենիստական հուշարձանների՝ մ. թ. ա. III—I դդ. թվագրվող նյութերի հետ, բայց ինչպես իրավացիորեն մատնանշում է Գ. Ա. Տիրացյանը, «զրանց ընդհանուր ձևը որևէ կական փոփոխություններ չի կրել երկաթի դարաշրջանից սկսած ընդհուպ մինչև միջնադար»¹⁵։ Խոսելով արմավիրյան դուզահենների մասին, նշենք, որ այստեղից, մ. թ. ա. III—I դդ. թվագրվող նյութերի հետ, հայտնաբերվել են նաև տարբեր տեսակների ծորակավոր անոթներ՝ Գտնվել են տափաշիչ, ճրագներ, կիսազնդաձև թասիկներ, որոնք ամենևին չեն տարբերվում Գորիսում հայտնաբերվածներից¹⁶։ Ինչ վերաբերում է տափաշիչին, ապա դրա դուզահենները նույնպես հայտնի են թե՛ վաղ հայկական և թե՛ հելլենիստական ժամանակաշրջանների հուշարձաններում։ Սակայն, ինչպես ցույց էին տալիս հետադոտությունների արդյունքները, Հայաստանում հայտնաբերվածները մ. թ. ա. I դարի կեսերից են ղեղաձև տեսք ստանում, փոխադրվելով հելլենիստական ժամանակաշրջանին ընդունելով Երվանդի կամ մեկ կողմից սեղմված իրան ունեցողներին¹⁷։ Գորիսի նմուշը, այսպիսով, ավելի ընդունելի է հելլենիստական ժամանակաշրջանին։ Նույնը կարելի է ասել օշնոխոյատիպ անոթների վերաբերյալ, որ Հայաստանում արժանանում են հելլենիստական ժամանակաշրջանի այն տարածում ունեցող նյութերից՝ ե՛ն։ Ուրարտական¹⁸ և հունական աղբյուրներում կրող այդ անոթներն իրենց զուգահեռներն ունեն իվինի, Արմավիրի և հելլենիստական ժամանակաշրջանին պատկանող այլ հուշարձանների

նյութերում¹⁹։ Նույնաձև անոթ է հայտնաբերված Օշականի ավերված կարասային թաղամիջին Նրահետ գտնվել են ներձկված ապարանջաններ, տափաշիչ և այլ նյութեր, որոնք թվագրվում են մ. թ. ա. III—I դդ. 20²⁰։ Նախնականորեն մ. թ. ա. IV—III դդ. են թվագրվում և Դմանխի շրջանի Գոմարիթի գյուղի մոտ պեղված դամբարաններից հայտնաբերված նյութերը, որոնց մի զգալի մասը արտակարգ նման է զանգեղուրյան նյութերին²¹։ Այստեղ հայտնաբերվել են ներձկված ապարանջաններ, ծորակավոր անոթ, միականթ բարձրավիղ ամաններ, ինչպես և այլ միականթ կճուճաձև անոթներ։ Նկատենք, սակայն, որ վերջինները, առանց որակական փոփոխությունների կրելու, ունեցել են գոյատևման ավելի երկար ժամանակաշրջան։ Այդ են ապացուցում Գառնիում, Արտաշատում, Արմավիրում և այլ վայրերում հայտնաբերված՝ մ. թ. ա. II—I դդ. թվագրվող միականթ կճուճները, որոնք ամենևին չեն տարբերվում Գորիսում գտնվածից (նկ. 2₂)²²։ Միակ տարբերությունն այն է, որ Գառնիում գտնվածի կանթը կտրվածքում քառանկյուն է, մի ձև, որն առկա է բարանձավում հայտնաբերված մյուս ամանների վրա և թվագրմանը չի հակասում։

Հելլենիստական ժամանակաշրջանի հուշարձաններում, սակավ՝ մ. թ. առաջին դարերի թաղման համալիրներում են հայտնաբերվում ակնուկունքները, որոնք, ինչպես մատնանշում են հետազոտողները, ներմուծվել են Արևելյան Միջերկրականի ապակեգործական կենտրոններից և օգտագործվել որպես թաղման-պահպանակներ։ Հիմնականում հելլենիստական ժամանակաշրջանի հուշարձաններում են հանդիպում նաև հիմնական զանգվածի վրա տարբեր գույների ապակեթելերով դարձ ունեցող ուկունքները²³։ Ավելին, որոշ հետազոտողներ հակված

¹⁵ Г. А. Тирация, Древнеармянская керамика..., էջ 216; նույնի՝ Արմավիրի պեղումները, ՀՍՍՀ ԳԱ «Լրաբեր հաս. գիտ.», 1974, № 12, նկ. 3 ք։

¹⁶ Գ. Ա. Տիրացյան, Հնագիտական աշխատանքները Արմավիրում, ՀՍՍՀ ԳԱ «Լրաբեր հաս. գիտ.», 1973, № 5, էջ 98—99, նկ. 3—6։

¹⁷ Ф. И. Тер-Мартиросов, Фляги как торговая тара, «Проблемы античной истории и культуры» (доклады XIV междугородной конференции), т. II, Ереван, 1979, стр. 409—414.

¹⁸ Ժ. Դ. Խաչատրյան, Հնագիտական հայտնագործություններ Գեղարքում, ՀՍՍՀ ԳԱ «Լրաբեր հաս. գիտ.», 1966, № 1, էջ 88։

¹⁹ Գ. Ա. Տիրացյան, Արմավիրի պեղումները, էջ 61։ Գ. Քաչատրյան, Դվինի հելլենիստական դարաշրջանի խեցեղենը, ՀՍՍՀ ԳԱ «Լրաբեր հաս. գիտ.», 1974, № 5, էջ 87, նկ. 4։

²⁰ С. А. Есаян, А. А. Калантарян, Античный некрополь Ошакана, ՀՍՍՀ ԳԱ «Լրաբեր հաս. գիտ.», 1976, № 12, էջ 32—33, աղ. II, նկ. 4։

²¹ Ц. О. Давлианидзе, Краткий отчет разведочных раскопок 1975 г. в сел. Гомарети, «Археологические экспедиции Гос. музея Грузии», т. V, Тбилиси, 1977, стр. 99, табл. I—III.

²² Ж. Д. Хачатрян, Гарни V, Ереван, 1976, стр. 38, рис. 14.

²³ Նույն տեղում, էջ 109—110։

ևն կարծելու, որ այդօրինակ ուղունքների առկայությունն իսկ պետք է մատնանշի զբանց թվագրությունը՝ մ. թ. ա. III—II դդ., երբ պատրաստման տվյալ եղանակը լայն տարածում է ստանում²⁴։ Ինչպես հելլենիստական, այնպես էլ վաղ հայկական ժամանակաշրջանի լայն տարածված պարզերից են եղել ներձկված ապարանջանները, որոնց վաղագույն և պարզ նմուշները հայտնի են մ. թ. ա. IX—VIII դդ. հուշարձաններում և ներկայումս փոքրիկ խումբ են կազմում։ Իրոք, նախկինում արդեն հայտնի կուրիշյան օրինակին²⁵ այժմ ավելանում են Շիրակավանից հայտնաբերվածները, որոնք գտնվել են մի դեպքում մ. թ. ա. IX—VIII դդ., մյուսում՝ մ. թ. ա. VII—VI դդ. Նյութերի ուղեկցությամբ²⁶։ Բերված փաստերը ցույց են տալիս, որ ապարանջանների հետագոտվող տեսակը տեղական ծագում ունի և զարգացման երկար ճանապարհ է անցել՝ հանդես գալով աքեմենյան և հելլենիստական ժամանակաշրջաններում բազմազան ձևերով։ Ապարանջանների այս տեսակը հարատևում է մինչև մ. թ. ա. I դարը²⁷, որից հետո դուրս է գալիս գործածությունից²⁸։ Ինչպես ցույց են տալիս ուսումնասիրությունների արդյունքները, տարբեր ժամանակահատվածներում առավել տարածում են ունեցել այդօրինակ ապարանջանների առանձին տարբերակներ։ Դրանցից են և ծայրերին գնդիկ ունեցողները, որոնք առավել տարածված են եղել մ. թ. ա. III—I դդ.²⁹։

Այսպիսով, հայտնաբերված նյութերի քննությունը ցույց է տալիս, որ դրանք պատկանում են հելլենիստական ժամանակաշրջանին և կա-

րող են նախնականորեն թվագրվել մ. թ. ա. III—II դդ.։

Խոսելով Գորիսից հայտնաբերված հելլենիստական ժամանակաշրջանի նյութերի մասին, նշենք և Գորիսից ոչ հեռու գտնվող Բրուն դյուղի մի դամբարանից հայտնաբերվածները (1980 թ.)։ Արևելքից-արևմուտք ուղղված բարարկղային այս դամբարանը (երկար. 3,10, լայն. 1,40, խոր. 1,40 մ) գտնվում էր գյուղի այգիների տարածքում և արտաքինից ցածր դամբարանաթումբ ուներ։ Ինչպես պարզվեց պեղումների ընթացքում, այստեղ կրկնակի թաղում էր կատարվել։ Իրոք, դամբարանախցի արևմտյան մասում անկանոն ընկած էին երեք կմախք, որոնցից մեկի զանգի զագաթնամասը սուր գործիքով ծակված էր։ Նյութերը սփռված էին ողջ դամբարանախցով մեկ և պատկանում էին երկաթի լայն յուրացման ժամանակաշրջանին։ Այս նյութերի հետ խառը վիճակում առկա էին նրանցից ակնհայտորեն տարբերվող մի քանի խեցանոթների բեկորներ, որոնց բաց-դեղնավուն մակերեսը ներկված էր կարմիր գույնով։ Այդ բեկորներից մի քանիսը ցայտուն դուրս թեքված և հարթ կտրտված շուրթով մատուցարանի կտորներ էին։ Այն ունեցել է վերին մասում փոքր-ինչ ներս հակված իրան (նկ. 32)։ Բեկորներից մյուսը սափորաձև մեծ անոթի վզի կտոր է, որն ավարտվում է դուրս թեքված և հարթ կտրած շուրթով։ Անոթի վզի ստորին մասում զարդարված է եղել փոսիկաձև նախշեր ունեցող ելուստագոտիով, իսկ ներսից ներկված 3 սմ լայնությամբ կարմիր գույնի ժապավենով (նկ. 33)։ Մյուս երկու տվյալ բեկորներից մեկի վրա պահպանված է զույգ ալիսագծերի միջև տարված ալիքաձև փորագիր զարդը (նկ. 34), իսկ հաջորդը, որի մակերեսը, ինչպես և նախորդներինը կարմիր է ներկված, ունի հավելադիր ալիքաձև զարդաշղթա, որից ցած թույլ ալիսագծեր են տարված (նկ. 35)։ Այս բեկորներից բացի գտնվեցին ևս երեքը, որոնք տվյալ են, ունեն մակերեսի նույն կարմիր գույնը, վերն ուսումնասիրվածների պես կտրտվածքում աղյուսագույն են և ունեն լավ հունցած կավախմոր ավաղի բաղադրությամբ։ Բեկորներին համաժամանակյա վերջին իրը կապույտ ապակուց պատրաստված ռազմանիստ կնիքն է (երկար. 18 մմ., լայն. 11 մմ., հարթ կողի բարձր. 5 մմ.), որի ներքին հարթ մակերեսին պատկերված վարդող ձիու գավալին և գլխին, թևերը ցած իջեցրած վիճակում կանգնած են կտուցներով իրար դարձած երկու թռչուններ։ Ձիու առջևի ձգված ոտքերի, մոտ մահկանան կամ ձկնաձև հանվածք կա, որը հավանաբար վնասվելու հետևանք է (նկ. 31)։

24 Ю. М. Гагошидзе, К датировке могильника Нерон Дереси (с. Санта Цалкского р-на Грузинской ССР), «Известия» АН Грузинской ССР, 1975, № 2, стр. 94—95.

25 С. А. Есаян, Г. А. Оганесян, Каталог археологических предметов Дилижанского краеведческого музея, Ереван, 1969, стр. 119, табл. XXXIV, рис. 9.

26 Պեղումները Ռ. Մ. Թորոսյանի, Լ. Ա. Պետրոսյանի և Օ. Ս. Խնկիկյանի, Նյութեր հրատարակության է պատրաստվում։


27 Б. А. Куфтин, Археологические раскопки в Тrialeti, Тбилиси, 1941, стр. 33; Ж. Д. Хачатрян, Гарни, V, стр. 90.

28 Ի. Ա. Կարապետյան, Նշվ. աշխ., էջ 277.

29 Ю. М. Гагошидзе, Նշվ. աշխ., էջ 96.

Ուսումնասիրությունների արդյունքները ցույց են տալիս, որ քարից՝ և ապակուց պատրաստված այս իրերը (կնիքադրաբար՝ բազմանիստ կնիքներ) տարածման լայն շրջանակ են ունեցել (Անդրկովկաս, Պարսկաստան, Հունաստան, Փոքր Ասիա և այլն)։ Ընդ որում «Հայաստան

կեսն ու գլխին կանգնած թռչունը»³¹։ Ձիու վրա կանգնած թռչուններ են պատկերված Օշականից հայտնաբերված նմուշի վրա, որը գտնվել է մ. թ. ա. II—I դդ. թվագրվող նյութերի միջավայրում³²։ Այս ժամանակաշրջանով են թվագրվում և Վրաստանի բազմաթիվ հուշարձաններ



Նկ. 3:

իր աշխարհագրական գիրքով մտնում էր հունա-պարսկական և փոքրասիական քարե կնիքներն ստեղծող երկրների ոլորտի մեջ... և նույնպես հանդիսացել է արտադրության կենտրոններից մեկը ինչպես քարե բազմանիստների, այնպես էլ ապակյա կրկնօրինակների համար»³⁰։

Ներկայումս տարբեր հուշարձաններում հայտնաբերվել են քարից և ապակուց պատրաստված կնիքներ, որոնք տարբերվում են իրենց թեմատիկաներով։ Դրանցից զանգեզուրյան նմուշին մոտ է Մահմուդզուղ գյուղում հայտնաբերված, քրկնագույն ապակուց պատրաստված կնիքը, որի վրա պատկերված են շղնիկի վրա կանգնած թռչուններ, իսկ Գեղադրից գտնվածի պահպանված մասի վրա երևում են ձիու առջևի

րից հայտնաբերված, ապակուց պատրաստվածները³³։ Բերված զուգահեռները թույլ են տալիս պնդված նյութերի թվագրել մ. թ. ա. II—I դդ.։ Առաջարկված թվագրությանը չի հակասում և ամանները կարմիր ներկելու սովորույթը, որը կապվելով դեռևս վաղ հալկական ժամանակաշրջանի խեցեգործական ճաշակների հետ, հարատևում է և հետագայում։ Թվում է, որ այդ թվագրության օգտին է վկայում և բազմանիստ կնիքի առկայությունը նման աղբատիկ նյութերի միջավայրում, որն ամենայն հավանականությամբ խոսում է այն մասին, որ ապակե կնիք-

31 Նույն տեղում, էջ 275—276, նկ. 4—5։

32 С. А. Есаян, А. А. Калантарян, նշվ. աշխ., էջ 32—33։

33 Ю. М. Гагошидзе, նշվ. աշխ., էջ 94—95։

30 Ժ. Դ. Խաչատրյան, Հայաստանում հայտնաբերված բազմանիստ կնիքները, «Պատմա-բանասիրական հանգես», 1965, № 1, էջ 275։

ները հելլենիզմի ժամանակաշրջանում գերակշռող են եղել և գուրս են մղել մ. թ. ա. V—IV դդ. բնորոշ բարե թանկարժեք հնիքները³⁴։ Այսպիսով կարելի է ասել, որ Գորիսից և Բրուն գյուղից հայտնաբերված շարքային նյութերը տեղական են։ Չնայած փոքրաքանակությանը, այդ նյութերի արժեքը կախնում է նրանց անպարճույժ տեսքի մեջ, որը խիստ կարևոր է ժողովրդի կենցաղը, նրա թողած մշակույթը վեր հանելու տեսականից։ Ընդգրկված լինելով հելլենիզմի դարաշրջանի մշակույթի ոլորտի մեջ (այդ են փաստարկում Արտաշեսի արամեական արձանագրությունը, պատահականորեն հայտնաբերված ապակե սրվակները, Մխիթանի դամբարանի հարուստ նյութերը և այլն), Գորիսի և Բրունի նյութերը լրացնում են Զանգեզուրի շարքային բնակչության կենցաղի վերաբերյալ եղած բացը։ Ահա այս տեսակետից նորահայտ նյութերի գիտական արժեքը մեծ է։ Դրանք միաժամանակ հանդիսանում են մեր նախնիների թողած ուրույն

մշակույթի անբաժանելի մասը։ Պատահական չէ, որ այդ նյութերը մի կողմից իրենց բազմաթիվ զուգահեռները գտնելով տարբեր վայրերի համաժամանակյա նյութերում, մյուս կողմից իրենց նախաձեռն ունեն բրոնզի ու երկաթի դարաշրջաններին պատկանող հուշարձաններում։ Բնական է, որ այս երևույթը կարող է պերճախոս կերպով վկայել միայն ժողովրդի՝ իր նախնիներից ստացած ավանդույթների պահպանման ու զարգացման մասին։ Մշակույթի հիմնական դեմքը կազմող այս նյութերի կողքին առկա են և այնպիսիները (տվյալ դեպքում բարանձավից հայտնաբերված որոշ ուրունքներ), որոնք կարող են դիտվել իբրև ներմուծված կամ արտաքին ազդեցություն տակ տեղում պատրաստված արտադրանք։ Սա միանգամայն բնական երևույթ է հելլենիստական դարաշրջանի հղոր մշակույթի ոլորտի մեջ ընդգրկված, բայց հիմնականում իր ներքին կյանքով ապրող Հայաստանի համար։

Պատմ. գիտ. քեկեմաժու Օ. Ս. ԽեկիկՅԱՆ

ԼՈՌԻՈՒՄ ՀԱՅՏՆԱԲԵՐՎԱԾ ԲՐՈՆԶԵ ԳՈՏԻՆԵՐ

1979 թ. Լորուտ գյուղի հյուսիս-արևմտյան ծայրամասում, Վերին թաղ կոչվող վայրում, Վ. Ավետյանի կողմից ունեցվող քարաբլդային տիպի մի բանի դամբարաններ, որոնցից մեկում մ. թ. ա. VIII—VII դդ. մեծադեմ և կավե իրերի հետ գտնվեց բրոնզե գոտի, որը ձախ մասը չի պահպանվել (նկ. 1)։ Գոտու պահպանված մասն ունի 76 սմ երկարություն և 14 սմ լայնություն։ Նրա եզրերը զարգարված են երկշարք ուղղապատույտ նախշերով, իսկ լայնակի աջ կողմը, բացի ուղղապատույտից, նաև՝ երկշարք շեղանկյուն նախշերով։ Մակերեսին փորագրված է բարդ կոմպոզիցիոն պատկեր։ Աջից ձախ խիստ ռճավորված խոշոր եղջյուրներով երեք կենդանիներ են (ձախ կողմի ջարդված մասում երևում են շորրորդի հետքեր), որոնք պատկերված են սրբնթաց, քառաձիգի վաղի պահին։ Եղջյուրները տափակ են, ունեն կիսալուսնաձև տևսք և նմանվում են Ախթալայում, Խոջալիում և Մարաղիներենում գտնված գոտու վրա պատկերված կենդանիներին¹։ Մարմիններին զգված են օղակաձև զար-

դով նախշված ծածկոցներ։ Նման ծածկոց է գտնվում նաև Այրումում գտնված ցուլի բրոնզե արձանիկի մարմինը²։ Նշված կենդանիների առջևից ընթանում են թուլուններ, որոնք կապում են հողը, իսկ ետևից ընթացող թուլունները կապում են նրանց պոչերը՝ կարծես աշխատելով արգելել վաղըր։

Առաջին խմբի կենդանիների ետևից վաղում են նույնատիպ ծածկոցներով երկրորդ խմբի կենդանիները, որոնք առաջիններից տարբերվում են կարճ, կեռ եղջյուրներով և ոտքերի դիրքով։ Կենդանիների դուխները առաջ են ձգված, իսկ լայն շրթուները կիսաբաց են և այն սպավորություն են ստեղծում, որ նրանք պատրաստվում են կծել կամ շրթուներով բռնել առջևից վաղողներին։ Այս խմբի առաջին և երրորդ կենդանիների վրայով, նրանց ընթացքին հակառակ լողում են կրկու ծով,

³⁴ Ժ. Դ. Խաչատրյան, Հայաստանի հելլենիստական շրջանի պիպտիկայի մասին, ՀՍՍՀ ԳԱ «Լրագրի հազ. գիտ», 1974, № 7, էջ 98։

¹ J. de Morgan, Mission scientifique au Caucase, I, Paris, 1889, fig. 190; Ժ. Ա. Խաչատրյան, Бронзовые пояса, обнаруженные в Азербайджане, «Матери-

альная культура Азербайджана», IV, Баку, 1962, табл. VI, рис. I, табл. XI, рис. I; Б. А. Куфтин, Археологические раскопки в Триалети, т. I, Тбилиси, 1941, стр. 50—51.

² С. А. Есаян, Древняя культура племен Северо-восточной Армении, Ереван, 1976, табл. 154.